

響

泉

集

響泉集 詩三

金匱 顧光旭 華陽 五世族孫鳴鳳表刊

半日讀齋餘藥中

起丁丑
止己卯

置酒高堂三章

置酒高堂其樂洋洋多士乘運四海乂康誰謂巖光不如張良
藟葛未遇躬耕南陽大聲無名異葩同榮比天地壽合日月明
置酒高堂其樂融融言具難泰匪爲鼎鐘野籬竹扉胎禽利飛
雙鶴已老雛鶴不歸歸來歸來言采藜藿藜藿不充融融其樂
置酒高堂其樂且多有酒不飲仰視明河三山古苔海水一碧
不見其他見巨人跡雅門撫琴孟嘗霽襟成連已往山高水深

種松

掃地先除蔓鋤雲自種松嚴霜忽而至蒼翠若爲容此日呼新友他年看老龍托根須位置移石疊成峯

陶然亭同陳雨亭郎中

天清山近郭地僻夏先秋使我更懷古同君且上樓晴雲高不定翔鳥去何休亦有垂綸者能知魚樂不

懷鮑三

顏巷無人何所事一瓢孤酌自橫琴青山繞屋夏雲起白鳥弄烟秋潛深千樹橘荒五畝宅八行書致十年心

去秋得
若洲書

他時得

其鷗邊住古木亂蟬清露吟

過符幼魯郎中賞雨茆屋賦古琴

古琴漆退光逾潤鼠啣驚絃拂塵印一宵秋雨打窗來黑蛟騰
出風雷迅云是孫登所撫雨響琴流落人間年歲深稽琴學琴
未睹此但聽蘇門鸞鶴飛清音賞音不可遇古調空復沉惟向
竹床茆屋裏往來遶壁間龍吟

題廬山圖

黃鶴一聲招客去屏風九疊爲誰開亂山落木猿何處半夜無
八月自來

秋夜讀舊簡思補

寡鶴清唳饑鴈呻夜如何其將向晨晨風吹窗灑竹影殘月破

碎虛無人孟軻希聖乃有立六國縱橫惟賂秦高高碧天墜秋
露五經何處空紛綸

瓦雞不可晨金蠶不吐絲士不進經不足用悵悵六合將何施
古有書空咄咄者其爲士者皆笑之熒星爛爛月睽睽仰視虛
空空所思

讀書得大意乃牢籠天地孔明磊落人蓄眼當世事調笑章句
儒頗亦稱識字隆中高卧二十餘天下三分掌中示古人讀書
曉時務後五百年有李泌

窮達知有命吾還讀吾書若待十年後豈不悔當初螢火照虛
廊蟋蟀鳴前除涼風起庭樹搖落感離居離居復離居作詩問

訊君何如

趙承旨畫馬

馬缺後足

子昂畫馬身化馬龍性在骨神權奇年深物換失其半尙見渴
飲奔天池銀駿鐵蹄勢方起赤毛紫燄風先馳想見出厩自騰
躍偶使對仗空威儀平時不用致千里異代相看歎一變伊昔
岳家有馬二一如泰山立不移每飲石水飼斗粟不飲不食無
偏跛其一顧盼不矜龍掣電追風初若遲太尉當時承顧問言
此二馬皆殊姿二后蒙塵此馬恥其革已裹壯士屍今觀圖畫
虛形影畫手慘澹心自知洛陽銅駝在荊棘昭陵石馬何淋漓
千年興廢半匹馬烟雲恍惚安所之諒非神龍不見尾何乃蹀

驥風塵爲

丁丑九日同柯策甫陳東巖遊陶然亭限登高二字

滿地秋花不見僧蒼苔黃葉漫相仍奇懷四海二三子叢菊孤
亭一再登加我歲華攜酒過借他山翠助雲興思親望遠憐佳
節欲佩茱萸醉未能

欵冠不整又題糕手板挂頤亦自豪西日倒銜山背落招風斜
趁雁行高出門有客呼鷗鷺立馬看人理桔槔共此天涯兄弟
會折花須插未顛毛

十九日集策甫寓齋限齋字

清歌欲泛酒如淮客坐高秋月懷又大重陽須痛飲是阿羅

漢莫長齋

時浙僧嵩
旨在座

可憐黃菊似人瘦惟有素琴堪鶴儕倒瀉

天河落杯底不知風露滿苔階

居庸行

王變公出居庸致書龔思補述關隘之險山水之奇思補有
詩邀余同作

君不見見中都之有居庸關猶秦之嶧函蜀之劍門山天下九塞
此其一拱衛神州除外患太行迤北至此數百里兩山壁立層
深而蜿蜒中通一軌出平地重嵐疊嶂猶蔽天此關始何代或
云秦漢前長城亘南北彷彿觀記三千年朝禽暮獸叫寒木欲
上不上羣呼而飛攀壁彼遊子胡爲乎此間問君策蹇何時還

水流石罅聲潺湲下有彈琴峽上有佛客懸至今厓石上不知
番經咒語誰所鑄可憐陵谷多變遷騷人羈客空流連請君且
上八達嶺下視雄關若闕井元黃戰罷不須關山風吹衣白日
冷孤松倒掛橫空枝樹林深黑車遲遲如此山兮如此水我思
古人竟何是萬古用一天竟安得猛士豺虎亂兮邱壘崩蛟龍
盤而雲蔚起朝懸車兮夜束馬蹊藜鹿角徒爲爾忽前世之興
亡險可恃而不可恃君不見拔劍斫地王郎歌入險出險抑塞
磊落當如何

雪霽望西山呈訥齋兄

出門看青山山色如嘉賓入門對青山山色如主人四海曠周

旋與君情最親昨夜壓檐三尺雪青山不言寒徹骨曉來照眼
數峯明東峯上日西峯月似窺我室無長物貽我片片雲霞活
長安九門次第開空中湧出金銀臺鱗鱗白龍吐奇怪天公玉
戲誰能猜故知性體貴貞潔變化玉質無點埃青山兮青山我
今知爾壽者相行坐還隨丈人行百年交道在風塵青山而而
常相向

盆中綠萼梅賦贈毛翹修

式玉

綠髓發青烟天葩寒更妍不勝金谷酒宜對玉堂仙清極不成
夢澹中應有綠君家東海上爲我訪羊權

答朱十二次韻

昔予事伯兄

湘

操翰辨所向謂如三峽水一縱一奔放崇崖大

其防所貴不流宕至理有匯歸萬象得名狀區區守成訓非敢
矜好尙春風昨來披素心適還暢

客有航海者趨途慎厥始沿河下舟楫與子觀乎水波濤既湧
洞風日亦流美六鼉昂其首三山趾相峙元氣所充周天地有
表裏徒爾極筦闕毋乃忘廣被人苦舍正路道豈不在邇在昔
諸老翁於此竟端委伯兄與雙溪

奎光

辨難燭繼晷時復默而

坐妙悟空所倚太虛淨微雲一一散爲綺余時甫弱冠粗熟文
選邇年來游長安猶得偕仲子

彬

伯兄久埋玉雙溪採江芷愁

復迷斷港望道邈千里返然收放心舍此竟何是

側身問天地塊然我何人
遶屋太行走石骨青嶙峋
安知風雲會懿此面目真
名言洵可佩相勗持貞珉

附東晴沙戶部

同里朱雲駿畫莊

長安車馬地徒步將誰向
桃李競春顏紅紫色都放
窗前草青青乘化亦淡宕
古寺賣新蠶葩采非一狀
識者獨徘徊雞缸抱微尙
暇日當詣君胸懷一以暢

君家好兄弟一一訂終始
伯子湘交最初神骨濯秋水
覃思

發微言回甘味逾美當其
意得時川流與嶽峙仲子彬復儒

雅襟度脊風裏幽芳不自
言餘韻足衣被雙溪奎光盛文章

過從幸室邇論詩窮正變
探道盡端委析疑疑愈多
辨難每

移晷張首託深閨杼軸互相倚經緯出自然絲絲粲文綺其
來歎乖離一散緒難理青山竟埋骨時時慟伯子宦游久涉
江沅漕采蘭芷雙溪令
潘溪仲子聯公車成名返閭里客窗渺愁
予君懷亮如是

閉戶鏡羣籍出交磊落人君齒後諸昆意氣殊嶙峋嶙峋亦
何羨抒發皆天真所期在趾美世德垂貞珉

集帖齋白丁香花下贈變公

丁字闌干丁令家妙香居士妙香花變公自署
妙香居士白濛濛裏微微

月簾外無人一樹斜

卽目

幾日不來紅糝徑柳枝多處綠藏扉一條閑巷無人至欲墮殘
花待燕歸

愍忠寺牡丹

寺爲唐時征高麗
將士瘞骨作道場

富貴功名共一塵唐家舊事認前因忠臣碧血灑何處僧院牡丹
開向人接席有花看頃刻垂枝無骨却精神若非雨露深如
許天女何緣又散春

賣芍藥

芍藥花開牡丹謝錦屏銀燭金樽夜一番花信幾家看擔得春
風索高價

寄從弟聳耘慧山忍草庵讀書三韻三章兼呈訥齋

散帙秋樹林枕經白雲屋清心入鐘魚山僧膳茶粥我昔橫素
琴琴聲在深竹

山靜寒復暄林芳石齒齒花開人不來花落香在水虛室生清
風微聞墮松子

眾峰吐微雲孤月光未滿新知資賞晰舊學共編纂破愚若山
開趣猛若崖斷

漁陽道中

狐奴山色控牛欄潮白交流走急湍一片檀州順州路西風吹
雨入烏桓

暄寒約略似江南樹蠶今來自更諦借問課農誰第一漁陽太

守漢張堪

漢書張堪拜漁陽太守
於狐奴開稻田八千頃

滿路風吹苜蓿花
水清山骨月明沙
宋遼亭館依稀見
萬古雙

梳燕尾斜

牛欄山龍王廟潮白
二河合焉狀如燕尾

古北口謁楊令公祠

雁門老將令公聞
此地烝嘗表舊勳
猶有家聲傳後起
獨拋戰骨殉孤軍
風行天上能爲雨
山過關來不斷雲
應是邊氓皆慕義
靈旗何必定橫汾

馬上呈夢侍郎

誰似王尊叱馭行
羣山轉側爲逢迎
摩風雕鷁風逾上
得路驂騑步更平
塞上烟雲常作態
道傍楊柳不無情
鬼豎亦具千城

用明向秋原學射生

夢侍郎用太白別意與之誰短長語索和次韻二首

白馬關前君馬白黃花鎮上菊花黃一從笑覽大人賦齊楚與
之誰短長

雉媒飛起秋山綠雁陣叫羣霜葉黃白鳥泛泛煙波裏鶴脰與
之誰短長

塞垣

塞垣草長水如油萬古蒼茫易變秋神樹風煙趨朔漠潮河日
夜下興州撻金伐鼓開魚鱗走石漂沙動戍樓此日邊氓成聚
落年年親見六龍遊

夜題山店

石爛南山客爛柯自敲牛角夜中歌
莫向塞門吹簫篴一時風起滿關河

荒邨時有虎窺門昨夜還聞吏捉人
勸君共享太平樂白酒黃雞邀四鄰

熱河寓舍

山莊烟景似西清水態雲容倍有情
借得數椽移榻臥女蘿風帶老松聲

未憶尊罍愛晚菰朝朝拄笏看西峯
磐_名榼不動僧何處半嶺

濃雲幾杵鐘

夜聞秋雨急如箏曉色潮河草更青爲問舊時歌舞地西涼亭

又北涼亭

風漪八尺簾紋斜手劈琉璃子母瓜忽憶水晶簾外雨吳波吹
動白蘋花

偶緣微步夜聞簫誤入河源度絳霄一水斷時疑失路百花深
處忽逢橋

木蘭

行園歌

塞垣北走山巘崦黃雲如蓋趨木蘭兩山壁立插長劍萬木迴
抱巖花擲平明仙仗出驚蹕羲和鞭馭揚鳴鑾青蔥峭蒨日

此巧妙真天工土肥泉甘羅椽栗丹漆相雜堪朝供乃知此山
中膚而外骨其骨下銳上則豐冒險奪隘貪天功苟一退縮爲
所蒙鯨甲崢嶸而寵從上可坐卧寬十弓羣崖飛瀑至此忽奔
瀉頽波直下蒼龍宮馬煩人困憩石上入手片片青芙蓉濤聲
西壓太行走雲氣南與滄溟通又聞萬松之巔有巨石以指搖
石聲隆隆心知勝境具神物身繫官守無由從瓊幃羣帳下山
坐新月出嶺雲朦朧坐思南中諸山廬山好異境一失誰能窮
北來此山特奇妙天使對峙天當中安得閒身暫休暇再來攜
展支青筇却恨峭石林立如攢蠶欲馳一箋乞神聰慎勿更遣
猛虎當其衝

山暝

客心沉夕磬野色暝秋烟人語空山答風聲萬木傳孤行雲不
擬獨立鶴無眠羣籟同爲寂君聽幽澗泉

盤山夜起

雲氣入高棟峭寒生枕衾攬衣中夜起開戶早霜深欲蒸濕薪
火時驚棲樹禽却看荷鋤者短褐下長林

昌平道中懷思補

十月桃花瓣峯名霜寒凝不飛殘山陵樹盡隔水故人違野燒連
雲遠村烟冒雪微王程不相待何處拂征衣

曉行

破曉據鞍吟低空宿霧深早霜蒸馬背殘月落橋心天邊幾家
夢冰寒何處砧雞聲連塞起歸客思盈襟

觀明董文敏烟雲萬里圖卷

有序

圖爲吾邑少宗伯鄒師小山所藏有文敏自序及詩凡山川
名勝各有題識連屬四十餘紙變化層出疎密濃淡略無定
體或以書出一手而畫出各家殆不知畫爾矣圖之以萬里
稱者爲長江此圖自北固洲白帝城如衡湘洞庭皆江行所
不經白鹿洞五老峯距江亦遠槩以烟雲亦宗少文臥遊之
志歟

附錄原詩

并字

天啟丙寅春於眉公處借得石田先生所題郭都閘長江萬
里圖展玩浹旬愛而弗能置也是歲之夏息居湖莊驅暑無
計因思學邯鄲故步追念舊圖蹊徑始自金焦溯源岷蜀渺
焉如夢依然有可想爰日與子墨客卿管城子相起居與
到則縱筆所如興盡則已起自五月廿二日成於九月既望
凡百有餘日但筆法雜出畧無定體唯以自娛初未嘗欲求
合於昔人也并系之以歌 驕陽赫赫燒晴空湖莊習習來
薰風北窗高臥無餘事意象慘澹開鴻濛潤州北顧青青杏
一點金山望中小儀真瓜步東南衝肩摩轂擊人紛擾石頭
城闕何崔巍龍蟠虎踞山川遶六朝遺恨水空流舊時燕子

啼春曉千年王氣得所歸
皇祖定鼎基豐鎬采石磯
邊一坏土李白才名冠千古
錦袍捉月舊風流騎鯨飛去
歸何所天門對鎖雙絕壁
魯港烟濤接天白蓮花擢本
望中明九華高下堆層碧
小姑秀削勝大姑不如五老
潛匡廬云是淵明棲息處
東籬黃菊猶在無片帆相送
渡蘄黃赤壁黃鶴相低昂
洞庭雲暝君山荒天下大觀
歸岳陽荆南南岸極瀟湘中
制河隴扼樊襄三國由來幾
爭戰於今唯見流湯湯溯流
直上夷陵道巫山疊疊相廻
抱神女祠邊暮雨寒紉腰宮
畔朝雲嫋巫峽相當灩澦堆
波濤洶湧聲如雷白鹽赤甲
宛相似翠屏丹嶂何年開我
向魚鳬尋往跡導江之岷神
禹德溯流窮

源萬餘里烟水茫茫那可測不知何年叔此圖石田題字琅

玕色思翁見獵心生喜刻鵠不成空用力自夏徂秋百餘日

日向窗前弄筆墨披圖作詩聊解嘲忽聞階下蟲唧唧

揚帆出潤州回首寺中樓多少英雄去空江北固秋

北顧山甘露寺

原題日月光先到山河勢盡來

註山名北固以梁武帝幸此改名北顧

江氣白如此一痕浮玉青烟雲渺何處留月照中冷

金山

原題雷聲常聞作風雨時往還

鬱勃龍蟠勢南宮筆可吞草堂烟樹沒寂坐不聞猿

鍾山

原題五月廿七日師南宮筆意

拈將摩詰句寫作金陵譜灤掃六朝烟濛濛萬家雨

金陵

原題雲裏帝城雙鳳闕雨中春樹萬人家

江畔烏江廟江東父老心君王不肯渡一片楚雲深

烏江廟

楓落然犀渚青天夜月新千秋此高詠鑒落爾三人

采石磯

原題青蓮錦袍泛舟之處也

天門兩壁對山夾楚江流日月中門出煙雲空外浮

天門山

原題六月五日仿洪谷子

天生江水東不上永安宮日暮蟪蛄吟迴颺雲滿空

蟪蛄

原題楚江高風光漸暖吳孌曾此遭變尋幽弔古經行遍來

掃斷碑蒼蘚春欲暮但滿目水綠萍香有父老問蠶祈穀盡

日恣歡宴當時事恨殺周郎輪算荊州幾番借換英雄肯

爲佳人戀空使煙花科斷拚爭戰棄骨肉成終古猿驚鶴怨

憑闌傍晚萬點蜀山尖依稀漢關被暮雲遮斷

調寄摸魚兒

太白真謫仙九華似青蓮相逢兩相賞古月吐華煙

九華

原題劉夢得嘗愛終南太華以爲此外無奇愛女几荆山以爲此外無秀及見九華深悔前言之失六月望仿吾家北苑法

江南望江北皖口樹如薺塔影過江橫明月在江底

望江

原題遠浪搖江郭平蕪到縣門

怕上彭蠡船空憶潯陽客湖水入江來風吹浪頭白

湖口

江似白銀盤山似青螺髻水似珮環聲盈盈出天際

小孤山

江月怨溢浦孤亭空復情可憐白司馬不耐四絃聲

舊琵琶亭

我憶商山翁鬚眉不可見五老隱匡廬四人趨漢殿

五老峯

昔人借隱處芝草霜下綠去久時或來青天騎白鹿

白鹿書院

不聞東林鐘却識廬山面我欲尋遠公蒼蒼閉深院

匡廬

原題余昔遊匡廬再宿東林作詩二首策杖與雲平濛濛空

際行烟江中嶺盡星斗下方橫不隔諸天路差疑五岳名誰

知游楚客頓使九愁輕偃息東林下悠然潛旅情泉歸虎谿

靜雲度雁天輕蒼蘚青碑古優曇應記生豫愁鐘鼓動擾擾

又晨征七月九日仿黃子久意并錄此詩

上有香爐峯下有晉徵士秀出南斗傍菊花開不已

淵明墓

瑜亮合一手炎劉始三分東南名士無赤壁自風雲

赤壁

原題千古高風懷赤壁一帆寒日過黃州

崔顥留題去樓中詩客稀仙人夜吹笛黃鶴遶江飛

黃鶴樓

原題晴川歷歷漢陽樹春草萋萋鸚鵡洲

尺幅浩煙波依然吞八九昨來夢裏雲掛席落南斗

雲夢

余夢中句云掛席吞雲夢

突兀眾峯出楚帆天際還我心落湘水九面望衡山

南岳

原題七月廿三日師高尙書法時驟雨初過涼風忽來

吳楚東南坼乾坤日夜浮長吟杜陵句身在岳陽樓

岳陽樓

原題朝暉夕陰氣象萬千此則岳陽樓之大觀也

帝子綠雲間傳聞駐此山山痕青未了飛雨卷風鬟

君山

原題堯女湘君居此

三楚控襟喉三巴指上游阿蒙強解事搖櫓襲荊州

荊州

一峯一窈窕一峯一飄渺想見楚襄王夢醒雲破曉

巫山

原題巫山秀絕人寰非狂奴故態可得而形似也稍用黃鶴

山樵法八月望後二日

宋玉高唐賦巫山神女祠朝雲復暮雨楚客至今疑

神女祠

歸夢黃雲磧空江烏相門女嬰砧上月孤照水邊邨

昭君村

原題北使親迎捧詔書錦車從此換穹廬交河衰草隨愁盡

豈是嬋娟墮地初

船象復如馬，瞿塘五月封。行人爭涉險，莫更使飛蓬。

聽瀨雄

何恨倚山木

少陵

巴東巫峽長，三聲猿嘯樹。萬里客迴腸。

巫峽

雄兵降陸遜，公麇失桓溫。依舊龍蛇跡，江濤落陣門。

入陣圖

江水流何極，岷山勢盡來。蒼茫餘漢業，浩蕩蜀門開。

白帝城

原題山從人面起，雲傍馬頭生。自此溯流而上，爲岷山長江發源之處也。圖成時九月十有四日。

思補至自昌平，病甚，詩以慰之。

別後重相思，思君君不知。旅人多落拓，病骨太支離。今古愁那鍊，乾坤看奕棋。喜來占勿藥，應與濁醪宜。

集小山師隄集卽席得情字

小字亦如畫羣賢列坐清菊殘寒不落竹亞翠交橫願養歸文
藻鈞陶到性情卽看花着樹百鳥繞窗鳴

輓座主海昌相國陳文勤公四首

夫子登清廟 先朝重石渠人思興禮樂 帝用詩說書

鄒魯開堂廡經綸任卷舒太邱承世德家學漢京餘

文正湯尊吾道高安朱翊 聖朝大儒相步武端揆若同條政

事蕭曹一陰陽丙魏調似聞吁咈語干羽格三苗

賢相當朝日還如一布衣封章趨 帝座捧 詔下綸扉元

老無他技醫才得所歸生平康濟畧肯使寸心違

予告初歸政達人說報恩致身終許國辭 闕未還轅予告後
瀕行疾

卒於
賜第 隆禮哀榮極嘉謨典冊存可堪梁木壞一慟大賢門

玉皇觀哭龔思補

構木得脩幹瓊枝落秋漢我心竟誰知哭君玉皇觀與君爲友
朋生死同聚散萬古一盞棺杳冥何時旦我初自矜尙君藥我
以遜我方急脩名君示我以愿我時質疑事君敢我以斷君靜
而我躁君敏而我鈍同居長安中我窮君亦困流輩競徵逐得
失較尺寸澹泊君所安刻勵我亦勸去年訪君處白日閑孤館
今年哭君靈螢火淒幽幔人生百年期憂患去其半君年三十
餘耗慮奪壽算遺響撫琴床棲塵積書案草露寒螢啼古瓦蒼
鼠竄我哭君應知我歌君亦粲悲哉遲范式貧也恥原憲引柩

我執紼虛位君尙飯蘭亦有時焚桐亦有時鑿水亦有時竭石
亦有時爛脩短何足憑天道殊漫漫悠悠棄我去長此增永歎

校士

已卯秋
關中作

我思海忠介如山有黎岱我思熊次侯如器有鼎鼐昔我八世

祖瓊海得公在洎我高祖時漢陽出當代

傳忠介先 八世祖
祠陽公門下士熊次

侯先 高祖勳事
公已升分校首薦

一公列門牆下士盡茫昧鑒別具真賞不在

文字內大儒相輝映後先百餘載由今溯

國初極盛難爲再

熙朝協文明五色羅藻績藻績何足多不辨懼目昧試官任

掄才摸素資進退顧慙伯樂知欲空冀北隊豈無荆山璆忍使

和氏腐豈無珊瑚枝轉慮鐵網碎重簾閣幽光氣數分顯晦取

人豈徒言磊落看意態敢云紹家風於此求俊乂得士佐休明
持作 大廷對

釋泉集詩三

無錫文苑閣排印

響泉集 詩四

金匱 顧光旭 華陽 五世族孫鳴鳳校刊

半日讀書齋餘藁下

起庚辰
止壬午

詠史

二五曜白日衰周如長夜干戈無終極禮教則不暇繼之以暴
秦項王起叱咤坑餘見儒服高談雜王霸乃公馬上來祀孔不
能罷猶聞魯兩生敬爲叔孫謝

何以來昌言鐘鼓磬鐸輶何以問等威旌旗及旂旐崇卑象天
地左右若師保總章擇芻蕘惟善以爲寶國有誹謗木庭有指
佞草草木何所知示我於大道

不踐鴻溝盟能忍白登恥君王雲夢遊縛取一壯士壯士安得
歸長歌大風起風起雲飛揚士亦報知己烏中五百人盡爲田
橫死誰殉垓下軍烏雕美人耳

霸王王西楚魯公葬東魯吾欲撞玉斗吁嗟彼亞父渡江八千
人亡秦起三戶富貴思故鄉英雄戀兒女四面皆楚歌拔劍淚
如雨哭臨者誰歟亮哉漢高祖

王道無近功霸圖無久治誰能補山龍颺言動天地正心正朝
廷必先誠其意如何內多欲而外施仁義汲黯爲大臣夷吾爲
小器

爲法如牛毛析利如秋毫能使宏羊烹不道商鞅逃以此求富

疆譬猶火銷膏始皇并天下任刑及山精侈然大秦國不識鹿
與馬縱有牽犬人安知斬蛇者

酈生三寸舌下齊七十城婁敬脫輓轅關中開漢京二生曉時
事董公大義明發喪尊義帝一舉赫厥聲惟彼三老言遂使帝
業成所以子爲政必也先正名

帝王自有真推心置人腹將相本無種抱薪供豆粥社稷亦旣
安天下蒙其福故人嚴子陵乃復加以足陶鑄堯舜君高躡箕
穎躡東京崇氣節吁嗟乎文叔

漢發二萬乘言迎渾邪王縣官糞民馬無錢安得將鞭撻其丁
男還家賣牛羊牛羊亦何惜但慮傷農桑出馬備馳驟鬻子充

獨糴孰謂柔遠人而不求父康

鄒通吾弄臣行詣丞相府丞相尊朝廷羣臣孰敢侮法以示子
孫禮以明秩敘肅喙扑柱梁蚤芒走牛羊直突見焦爛蟻穴貴
隄防孔光下董賢終烹騷王綱

白璧不可爲客客多厚福公卿類拱默忠讜皆側目徒葺朱雲
檻竟下虞詡獄孤松挺單枝特立表寒谷豈翳炫高節於此儲
大木

逃名名我隨避名名我追封彼綿上田以求介之推出門四顧
望但見塵與灰上有白雲流下有塚纍纍七貴珥金貂五侯相
光輝烜赫寧幾時萬事邱陵摧惟此獨行士隱身甘採薇夷叔

亦既遠首陽高崔嵬

魏武好法術魏文慕通達清議不復行天下賤守節放誕盈朝
廷此風不能革晉初置諫官傅元性峻急整簪捧白簡貴游頗
震懾緬想臺閣風卓立森天骨如何長浮華賣李鑽其核惟天
有北斗尚書爲喉舌

蕭曹尚清靜而民以寧一張趙舉郡吏頗亦通經術吏習已成
事士以身爲律事習弊亦乘身律罔不率降自魏晉來天下網
常密察行按簿書量才取刀筆任法法從人夔龍困桎梏影端
由表正清流在源潔我欲正人心孝弟民之質

鎖院奉題蔣虞山相國松礪鳴泉圖

紫微露濕宮花明 詔書一道趨登瀛重簾晝鎖白日靜春風
吹作松泉鳴云是南薰琴上聲清廟明堂臣拜殿冰壺春空玉
尺平黼黻河漢松雲清松泉噴涌連滄溟夜聞跋浪翻長鯨忽
憶廬山看拂水海日欲出纔三更隔林琮琤戛寒玉萬壑銀潄
走空曲又聽桃源澗底雷山行十里如新沐前山正值桃花開
飛花落澗隨人來此泉木出自松澗流入龍池徧九垓長松蒼
蒼誰所栽漢家將起柏梁臺欲追雅頌須鄒枚詞源倒流三峽
廻請公且譙瓊林杯深松疊澗泉源遠天雨文章接上台

關中對月

黃金臺上月今夜入簾深紅杏幾枝影青天一片心太虛光上

下滄海氣升沉定有蚌珠出
鮫人室可尋

爲秦大司寇題蘭竹卷

渭川千畝玉森森
分得簾簾露滿林
寫出清風明月影
始知難畫是虛心

直從空谷到蘭叢
相視無言臭味同
門外不知桃李笑
爲君紉佩向春風

閱卷罷偶書

黃鸝高坐日卓午
花影半簾搖簾紋
底事含情獨悵悵
亂紅如雨白紛紛

樂泉精舍歌

爲張有堂先生作

張公一生江海客

用杜句

晚聽禁鐘看太液苑柳宮鶯二十春荷

鋤帶月覘泉脈泉聲夜溢龍池清半潭忽涌先生宅知水仁山
見性情先憂後樂忘朝夕閒來却掃苔石眠苔草自綠巖花妍
坐攜北海一樽酒行讀南華秋水篇君實歸時尋獨樂贊皇垂
老倚平泉爲問試泉山寺外竹爐何處飛茶烟

芍藥詞和帖齋

軟紅塵裏豐臺雨婪尾春中紫陌晴風
隴雲驕香十里六街爭
喚賣花聲

紅影翻階白晝遲春風小謝獨吟時
殷勤折得珊瑚柔雨過天
青試古蕪

漫道臨春冊麗華赤幢翠節艷朝霞十年心跡清如水帶雨鋤
烟學種花

舞酣飛燕妬輕盈垂下珠簾聽曉鶯深苑無人誰省識披香博
士淖方成

折贈風前露未晞鳳城春後雨初肥萬花寂寞東坡老不羨揚
州金帶圍

題吳揖峯寄淮草

綠水青山似洛陽年時倚檻過橫塘千條弱柳閒門裏朱雀橋
邊草又芳

羅襪新涼怨玉階半橋斜月照秦淮六朝金粉飄零盡戰得紅

蕉臥舫齋

揖崇昔從金陵載紅蕉一本有詩極工麗

板橋舊事何須記二十四樓無故爭狼籍烟花尋不得俱寮鷓

鷓喚茶聲

揖崇云集金陵軾事甚夥欲購板橋雜記不可得

破屋人歸吹洞簫拋殘檀板醉無聊可堪暮雨蕭蕭曲都付春

江夜夜潮

苔

荒徑積幽思日斜青樹根兩交蟲鳥跡花沒水雲痕客去看行

蹙秋來欲閉門舊廬傍巖戶峭壁翠堪捫

晚過捧齋先生宅

時先生居母喪

涼雨怨秋鴻哀音動九臯葉殘風自掃門掩月初高山鬼囊羅

幙篝燈讀楚騷淚枯餘骨立應爲惜顚毛

題周式祖畫寒雀爭梅

曉風吹月落庭樹啁寒雀雀啁簷前寂復喧一枝兩枝梅破萼
看君淡掃江南烟冷光照眼清而妍羣雀無聲忽來集飛出
端枝上立晴雪驚開客到門參差凍羽爭寒色

集秦礪泉瑞芝軒

四海論文地階前產紫芝三山攜酒客日下賦新詩一葉驚秋
早發花覺露滋起看簷月白相與話歸期

送捧齋先生

奉大夫人
崔瑞果後

愁心與帆遠返照黃金臺白馬素車去悲哉秋氣來櫓扁啼夜

永岸荻劃波迴明發蒼茫際迢迢朔吹哀

勞形竟何益萬事若飛塵所願承親志爲持報 國身孤征悲

雁序獨立看松筠客有生躬感多愁緒鬢新

病骨抱虛驚妻徊涼露時才名邀 帝簡諫草畏人知瞻望

空將母劬勞欲廢詩長風吹我夢相送大江湄

蕭然餘舊館種樹已成林落葉風霜苦離堂涕淚深桑麻三畝

宅師友百年心執手黯將別楓江起夕陰

戲效飛卿體贈變公

鴈卿初試鷓鴣裘銀燭金筵敞畫樓斗酒聽鷓如昨日哀蟬落
葉又涼秋微霜漸逼驚鴻瓦殘月猶銜玳瑁鉤強欲問花花自

笑傷心百舌五更頭

移居三首

自甲戌伏寓宣武門外保安寺街至庚辰秋移居官菜園上街

客舍鄰蕭寺聽鐘幾歲年
移琴秋水高枕白雲邊
金盡舊堪載朋來榻正懸
馬知門徑改迥立望青天

老圃青郊路秋林白板扉
相看城闕遠漸覺往來稀
山果熟頻落水禽低自飛
半陂安釣石何似舊漁磯

山色赴秋懷烟嵐日夕佳
先生移玉柳深巷蔭雙槐
落葉風三徑開門月半街
朝回容養拙徒倚讀書齋

南窗卧起言懷

未須多屋宇迺問廣田園
室有琴樽樂門無車馬喧
桑榆八九

樹烟火雨三村臥起南窗下庭前幽鳥言

題畫

山根一片紅雨天際幾抹青烟欲問幽人何處千巖萬壑流泉

道士步虛詞十首

九乳春鐘五舌簷沸天歌吹散空香玉虛紫館無形象一叩丹

山叫鳳凰

四角無端石柱連中央一頃是瓊田幾人曾見空青樹桃熟綏

山望得仙

洞中飛雨絢於毛煮得紅泉未薦桃夜半天門開蕩蕩罡風吹

冷鶴綾袍

珠樹交花玉樹陰層城仙駕上千尋雲中雞犬都無恙却道淮南不小心

三元甲子本無名有物先天得渾成朱鳥春銜鏡不見九華深
殿夜何清

朝登日窟躡丹梯夜宿天庭月又西北海忽如南海儵玉雨金
簡印龍泥

甘泉朱實啟芝房勾漏丹砂秘藥方再拜瑤池見王母絳河遙
隔替容光

沆瀣中宵濕戒衣淨壇香散曉煙霏不知太乙升靈駕玉宇高
寒一鶴飛

天路迢迢星漢斜
白榆歷歷指煙霞
燒鉛鍊汞成何用
乞與仙人種杏花

神仙位業洞靈尊
太上忘情是靜根
萬有寂寥天地始
五千言外竟無言

諸葛銅鼓歌

尺有七寸銅鼓圓
束腰空腹四耳穿
狀如四水獸走四邊
丞相出師破蠻煙
檣木爲杵聲淵淵
聲淵淵擊銅鼓
銅鼓鳴蠻酋怒朝
聞銅鼓黑水南
暮聞銅鼓五溪滸
人間豈有眞天神
鼓聲動地不知所
遂至滇池入其阻
諸蠻聽鼓苦復苦
苦復苦丞相武攻
爾蠻心復蠻土
俘爾蠻酋釋蠻虜
吾陳吾師整吾旅
整吾旅挂

銅鼓銅鼓鳴蠻酋舞朝椎牛夜烹殺南人誓不反銅鼓懸終古
幽巖絕壑處處鳴掣電奔雷走風雨不知銅鼓復幾許至今往
往出深山一鼓猶能靖百蠻

古行路難五首

工采五山之鐵精爐鑄六合之金英成此龜文漫理之寶劍所
地擊柱鏗有聲鏗有聲劍有缺楚可破越可絕伍員之目從可
挾君不見梧宮秋吳王愁

髮上衝冠歌欲闌聽我古歌行路難出光一死酬燕丹風蕭蕭
兮易水寒登高臺而眺遠獨慟涕兮闌干古道蒼茫問長路中
有英靈自來去庸人高枕而不知勞勞聖哲交馳驚

驅馬入大梁迴飈四飛揚信陵在時客滿堂信陵去後虜魏王
夷門行人長歎息張耳曾爲信陵客當時豪俊思舊恩意氣猶
能感廝役君不見養卒說燕歸武臣行車照耀邯鄲人

子胥笞王臺倒行逆施愁日暮范蠡泛五湖可行可止歸陶朱
張良塚中葬黃石魯連箭上飛素書四子出處何獨殊孤雲獨
風爲卷舒行路難行踟躕

天上五城十二樓望之不見心煩憂密山玉策安可投欲往不
識蹊所由言從穆王耀紫騮且縱子縹崑崙邱蓬萊清淺迥不
流瑤谿赤岸行復休抵節行路吟且謳但見齊州九點青烟浮

綠水曲

綠水清紅蓮並蒂白蓮傾蓮葉半枯蓮子大雪藕冰絲出泥碗
江頭日日擣寒衣粉墮紅漂人不歸

靜夜思

露螢帶火背光濕秦女拋梭乍停織四更月出星漸稀羅襪侵
寒下階立鄰雞一聲吠犬喧遙遙征鐸鳴秋原夜嶺不語聞人
語欲問關山淚如雨

白紵詞三首

揚青娥歌白紵簫管齊鳴應盤鼓輕縠隨風爲君舞錦箏銀燭
月未午玉盤珍羞酒如乳眾人皆醉孰資主千載蛾眉一坏土
吳宮青草沒雕礎江南猶有春申浦

江南白紵白更鮮東門之池清且漣疏之屬之絕復連當機迴
杼挑文鴛鴦雙翔亦雙宿持感君意寫衷曲裁作舞衣看不
足清歌婉轉繞碧屋管急絃繁柱何促飛聲激蕤絳而復涼風
吹草萋萋綠

春清縹酒浮淥觴九秋之夕飲未央樺燭爛爛幄幕張丹唇皓
齒發清商提袂徐進振華裳婉蟬揮霍紛遺光收曲變度繁鴻
翔與子攜手歸閒房黼帳低垂金鍾香同夢不知更漏長矧鐘
曉動鳴秋霜

涼州詞

歸馬陰山西放牛陰山北瀚海迴波洗血腥燕支上日開顏色

延袤萬里長城古虜騎當年寇邊土秋冬甚寒春夏風不能疾
驅越沙鹵平城之下亦誠苦七日不食不穀弩漢文奮起躬戎
服漢武繼之大用武三十年餘掃北庭虜其名王以十數是時
上御甘泉宮羽書夜報日旁午按圖一一見山川勢鬬猶能辨
險阻但言斬首千萬級詎謂邊人飼豺虎勾奴創艾民力疲寒
沙廣漠駝鳴悲諸水東山刑白馬漢家所費已不貲豈勞久佚
安可必聖人處此羈縻之聖人處此羈縻之有道則守在四夷
古無上策馭戎狄今見單于款塞時

前有一樽酒行

前有一樽酒主人起爲壽賓客紛滿堂意氣各云厚管寧一揮

劉孝力集卷之二 言四
二 重校定本
鋤荆席斯既久誰殺周伯仁金印大如斗鋤亦未及揮印亦未
懸肘中心起波瀾對面隔山阜東園樹桃李秋實悅吾口西園
種蒺藜秋風刺其手

行行遊且獵篇

行行遊且獵迺在潮瀆以西涇渭之南長風千里見秋隼駿馬
一出霜楓酣上有千仞壁立之崇嵐下有杳冥不測之寒潭欲
射猛虎不敢以徑入烟林昏黑難爲探歸來連山見寒燒彎弓
射雲仰天笑殘雲點空薄於縞

獨漉篇

獨漉復獨漉乃在沮洳間沮洳不容足沾體徒蹢躅足寒傷及

心河崩壞在山。我欲捧土塞東海。六轡昂首嗤我頑。木落遺皁
有客緼袍寒溪無聲四顧寂寥。伊尹負狙太公鼓刀。伯牙遞鍾
逢門烏號苟遇乎時。順風鴻毛軒轅六相身尊道高。端木一語
立槁鮑焦幽谷有蘭衡門有蒿青松朱桂歲寒後彫。

秦帖齋儀部奉

命伴送安南國使之粵西贈別五十韻

日南臨漲海正朔奉遐荒。藩服通侯印。皇華上國光。春帆宜送
往。秋漢訝巡方。五兩波濤外。雙旌日月旁。壯遊凌百粵。遠興動
三湘。爲指虞翻宅。都看陸賈裝。璽書開碣石。鏡吹下維揚。錦纜
牽隋苑。珠簾帶蜀岡。此間輝棧塹。可以慰萱堂。

時帖齋期令弟
於邢上聚贈

江永王程緩樓空御柳長石城仍虎踞天塹儼龍驤雄麗成都
會齏條古戰場扣舷歌浩浩鼓枻走湯湯八九吞雲夢東南望
武昌鵝鵠啼不斷鸚鵡水中央故郢平蕪綠晴川落照黃從來
騷客地真到白雲鄉道路逢迎慣詩篇應接忙不同王粲賦可
共謫仙觴澹澹郎官水盈盈漢女妝江心溢浦月篷背洞庭霜
人語諳山鬼猿聲識夜郎尉佗城自圯交趾路相望桂楫朝堪
渡榕陰晚正涼 王人持 玉節介士拜 金章曲館開華宴
高臺記越王珊瑚交作樹璫璫並爲梁翠羽明珠貢魚鱗紫貝
房樓船楊僕將銅柱馬援防都護初安寨羈縻州名始屬唐祇今
環帶礪是虛懸梯航車有針能指天非尺可量自厓收薏苡傍

舍蔭桃榔忠信字蠻貊崎嶇足糗糒中宵呼屈宋問道越齊梁
預擬回 朝嘉無如別思傷七千程遠近三百日廻翔期子松
醪熟貽余嶺雪香去看沙草嫩歸及野梅芳岬思何極馳驅
竟不遑爲君歌四牡令我愧羔羊萬國冠裳會千官鵷鷺行早
年隨畫省幾度賦長楊聚久輕離別情多易慨慷迴颺吹馬尾
跋燭看魚腸鉛槧操無益車書統有常宮花明劍佩海日照扶
桑捧 詔重霄上傳聲萬里強一行承 錫命八表仰 垂
裳何事疑猿鳥相期集鳳凰

送王生

永祿

落第歸松江

無人知老驥之子滯公車吾道恥干祿名山歸著書一竿三泖

上半畝九峯餘枕石看雲起因風自卷舒

秦味經先生秋堂講易圖

元雲無定體應龍不常儀阮公悟象始裁書答伏羲伏羲世遠
安可追秋堂講易堪吾師圖中竹柏松交枝屋前太古月照之
觀象畫卦玩其辭戶外之屢知爲誰竊聽不敢問疑是服子慎
排圖徑升牀或恐來楊政諸儒之說何紛紛先生與我居相近
我生未到容春堂康節而後思文莊九峯落日五湖白八卦殘
缺蕞荒涼蕙山之麓有邵二
泉先生點易臺師友相承三百載先生已復鬚眉
蒼口授指畫摩丹黃施家弟子餘芬芳經術豈獨桑梓光研硃
滴露山泉香

業師二首

并序

予少侍胡庭瞻先生

在陸炳西先生

庚

執經受業久暫不一

知己則均言念典型老成徂謝無復先民遺矩矣黯然心喪
弔祭闕如悠悠歲時寄情乎辭

昔賢通六藝後儒專一經豈徒事訓詁奉以爲典型吾師康侯
裔蟻蠓遺利名布衣蔬食中獨得周孔情譬如撞巨鐘有扣無
弗鳴譬如注欹器適中無弗平遂令三年志不慕公與卿汝南
謝許劭高密揖康成

我謁子陸子累月遺想像閉關闕無人澄心眇孤往始若穿鳥
道失路墮榛莽久之窮冥搜百步豁開朗賴我扶經心縱我脫

塵埃以此寒餓腸賴有典籍養秋風被薜荔窮巷寡輪鞅成連
去不還青天舉鶴響

題友人永慕圖

一燈熒然照屋隅似聞慈母聲嗟吁母衣單衣無複襦手持刀
尺量兒軀兒欲別我庭前趨昂藏七尺偉丈夫征衣四出母何
虞倚門不得過門樞吾友寫此血模糊八分大書永慕圖堂前
自有松竹株堂後陰翳交雙梧歸飛啞啞屋上烏老烏在時哺
其雛老烏一去木葉枯雛烏夜夜長悲呼

夢岵齋

閒宮興味成中隱長夏陰晴似早秋夢裏江風吹白雨因君直

下秣陵舟

重陽答王生

中孚

重陽一何好舉世愛其名菊色兼松色風聲雜雨聲移時人獨立無數雁南征拂袖撫商調傳予巖壑情

和岵齋宿賈太傅故宅

今古誰先醒其如賈傅何猶餘漢廷淚迴作楚江波破廟行人少陰林怪鳥多却看留宿處難和郢中歌

憶南華兄碭山

落葉下淮流知君畏遠遊風聲迴沛邑河勢繞徐州負米晚歸里吟詩閒上樓江南數千里天際一孤舟

辛巳除夕

三十平頭客夢驚
長安爆竹又飛聲
別來千里晨昏隔
漸到中年喜懼并
紙閣燈深親戚話
辛盤酒煖故鄉情
遙知吳市烟紅處
惟有梅花伴鶴清

和持翁金山寺

遙知攜鏡笛吹上
妙高臺飛鳥日邊
落花天上來金山
無佛印玉帶自仙才
但覓題詩處休將
轉語猜

送秦刺史錄赴歸州別後却寄

騎吹西陵峽灘聲
走亂沙颿連襲子
國砧響女嬃家到
日經封篆清時早
放衙政成春晝靜
閒落訟庭花

上巳偕王僉山秦帖齋陳太暉遊陶然亭

微雨清四郊，閒亭澹如此。光風悅僮僕，客心洗流水。落日八九
峯，逍遙二三子。空悲永和人，來者復誰是。

寒食玉皇觀追懷龔思補

昔年吾友沒，曾此撫琴床。古院又寒食，春風吹野棠。招魂諸弟
隔，謂敬修兄弟挂劍故山長。遙笛怨青草，萋萋滿夕陽。

南窗讀書雜感五首

少年文史足三冬，遊宦茫然失所從。漫道雲霓多是雨，爭知桃
李不如松。秦灰已冷埋邱索，漢禁初除識鼎鐘。半日書齋無一
事，欲將斷簡問夔龍。

萬古江河走大荒欲尋興廢只微茫漢家制度兼王霸晉代風
流半老莊涿鹿無心麾斧鉞山龍有象服衣裳何如一和南薰
曲殿角松聲晝漏長

西京豺虎復東京捆載圖讐付甲兵徐福徒爲秦博士公孫已
失魯諸生傳疑外史遺天祿周覽中原久太平閉戶不知經世
術烏啼花落向南榮

陋巷蕭條春自歸漫攜童子試單衣飯蔬飲水浮萍淨弄月吟
風鼓瑟希夢裏不知周是蝶漢陰豈悟甕爲機古人懷抱向空
盡回首風塵事已非

飛鳥依人去復迴羅幃舒卷爲誰開階前黃雀不須逐席上青

蠅何自來蘇軾舊遭元祐禁孔融常壓建安才何當濯足滄浪水
賒取春風濁酒杯

朱五眉書寫試泉圖見寄奉酬長句

短李讀書溫樹外孟端寫意竹爐間多君昨夜搗團月知我經
秋憶故山松翠濕衣茶夢冷雨花吹壁石牀閒漪瀾堂下烟林
遠指點虛無見鳥還

次韻揖峯咏菊

元亮一瓢飲閒居常寧懼隱身甘蕩落與菊守清寒對此人逾
淡兼之秋已闌歸轡香可掇吾欲廢朝餐

與何吏部

逢舊

同除監察御史貳贈二首

壬午九月十九日

金門欲並青驄馬 玉陛相看獬廌冠對仗應驛趨 闕下整

簪連袂到臺端曾於分校窺經術

已卯廷試試差何與予連名是秋同分校順天鄉試

復新除職諫官肯讓排雲韓吏部獨將心跡比琅玕

風塵都是十年流行坐常懷百世憂但涉名心非國是便焚諫
草亦身謀禁中亭午留程顥市上臚傳促馬周補闕拾遺資左
右不知何以答 天庥

松柏庵追懷裴超然編修

麟

鳴琴不可彈憂思杳無端夕景依鐘盡秋花抱石寒酒壚悲舊
侶梵唄散空壇坐憶安期子何因生羽翰

送表弟周式祖南歸

獨客吾憐汝難爲離別吟征衣慈母線旅夢故園砧山外冬青
樹門前秋水深涼風起天末千里片雲陰

讀秦始皇本紀偶書

祖龍不欲置諸侯廷尉何心定此謀自有睢麟風列國豈關封
建弱東周

卷四終

無錫文苑閣排印

響泉集 詩五

金匱 顧光旭 華陽

五世族孫鳴鳳校刊

可耕餘藁上

起癸未春
正甲申春

乾隆癸未春予奉

使畿輔察民隱洩流潦爲春畝計既而

上召少宰裘公問治水狀

賜詩有曰繡衣分督濬漸有可耕勢甯漸言可憂民至癸是
秋歲大有越明年甲申予視儲通路至丙戌秋還京廩見豐
稔檢篋中餘藁附以丁亥所作名曰可耕於以歌南風而頌
帝力云爾

文安縣二首

落日文安縣孤城水氣侵艱難使者職饑溺

聖人心歲望

黍苗長春愁荆杞深沿洞舍舟楫驅馬夜駸駸

濱淀隄千里

千里長隄爲霸州文安大成雄縣之防累年爲三岔河水決多有殘缺經營自宋元

老泉餘宦蹟

老泉爲文安主簿蘇家橋其舊蹟也

積水漲橋門疏淪還歸海時有海不

受水之說

流亡已失村共聞明詔下何以副深恩

附和作

同里

朱雲駿遼瀋

積水田淪沒哀鴻歲月侵那堪臨鵠面猶未免蓬心獨殫勞

臣職覃敷

帝澤深咨諏應不倦徧厯馬駸駸

蘇公一主簿遺愛浸黎元太息我行野空聞吏打門柳河悲

塌岸平曲盡荒村其切痼癘念 朝廷沛湛恩

蘇公祠

蘇公古鎮已凋殘剩有荒祠桧柏寒一代文章傳軾轍數椽風
雨拜衣冠愧無經術言何補念到瘡痍事正難手欲障川東入
海層樓極目動波瀾

白沽舟夜

白沽西下暮潮生烟淡雲寒楊柳青半夜沙邊覺人語暗風吹
過峭帆亭

提筐行

少婦啼饑老婦泣中婦提筐立原隰欲渡不渡無方舟野田流

水聲嗚咽我行見之心內傷問婦不答置竹筐竹筐青青采楊
葉何日南風大麥黃

昌黎縣謁韓文公祠

朝行右北平暮入昌黎縣韓公封邑今尙存萬室鱗鱗枕郊甸
山光入戶月照祠拂衣下馬瞻高墀青苔白石屹相向宿雨滴
漚松參差虛廊無人肅齋沐凌晨灑掃陳明粢泰山喬嶽忽到
眼孔孟旣沒文在茲衡陽雲蔽眾峯出鱷魚夜徙腥風吹公之
精誠動天地元氣沁人人心脾中朝大官老於事羣臣不言言
者危御史臺上天旱狀連州忽貶韓退之今我生逢 聖天
子論民疾苦 帝曰咨開倉發粟布 德意豈獨和稅蠲免

爲草粟已緩京兆府蠶麥自荷皇天慈逐妻棄子且歸止折屋
伐木能勿悲公今在天作雷雨願普膏澤療民饑吁嗟乎前年
夏無麥去年秋無禾安得使民飽食家絃歌公平公平當若何

永平道中望夷齊廟

寂寂夷齊廟迢迢暮靄間清風孤竹國古月首陽山饑歲炊烟
絕遺民採蕨還蕭條北海上驅馬近榆關

過橫山偏涼汀小憩

灤水聲無極當流橫翠微竹房盤鳥道松雨挂僧衣潭影自空
性車塵聊息機坐看垂釣者薄暮得魚歸

早發薊州

畏此簡書急凌晨促馬蹄泉流山向背月落樹東西麥浪黃雲
關人烟白屋低誰爲茲牧者勿使有羈棲

宿王千子孝廉耕耕堂

青林幾曲見村墟直到莊前水拍廬正是客來新月上一庭喬
木半牀書

呼雞深樹屋廬靜飲犢前溪暑杳橫此地年來幾家住耕耕堂
畔有書聲

望諸君墓

昔者隆中卧曠懷千載勳吾觀夏侯論一弔望諸君王霸畧兼
備雌雄勢未分至今墟隴外時有欲歸雲

獻裘座主叔度先生卽次途中原韻二首

時先生將服闋
奉命治畿輔

水利

江南二月雪初乾走傳東山起謝安自識
國家無事日爲憂
天下得人難車邊雨露占年稔海上星辰出曉寒從此拯民登
衽席層瀾迴作 湛恩看

黃雲千里雁聲乾饑溺深時席未安
帝德莫能名浩蕩臣
心何敢惜艱難簪衣食風兼雨滿地江湖夏亦寒傳
語緬
衣分督濬 殿頭稽首進圖看

答曹庶常

錫賁

之子聲名久如何病更貧家真無長物詩豈欲窮人老樹藏三

徑清吟動四鄰思親兼憶弟愁對月痕新
古巷背流水幽居正對衡雙槐雨家蔭五月一蟬鳴學道原違
俗耽書亦近名忘形吾與汝聊爲說平生

雨霽岵齋樊公枉過同遊陶然亭

城隅新雨歇簷際初日上忽枉故人駕俱懷出塵想山川共澄
澈巾屨一蕭爽孤亭面清虛眾象赴閑敞藤陰布長簾石室挂
遺綯不知習禪處惟聞木魚響君觀出水花應憶舊林賞爛漫
從天涯秋風發菰蔞

衣露張琴曲自題小照

風松聲兮鳴澗泉琴素月兮流華烟響沉樹兮秋鶴醒拂蒼苔

兮露華影懸萬壑兮星辰高一再鼓兮佇天聽

夏日

溽暑欲消消不得日長高臥憶山家涼風微至北窗下疎雨滿
庭籬豆花

城南晚望遇楊大員外有賦

風雨深巷中山門卽烟樹新涼欲投衣獨往散余步草色沙際
開蟬聲葉間度幽人隔林端曳杖屢回顧雖無泉石佳清言適
吾素邂逅兩忘歸窅然滄洲趣

夏夜與陳太暉王燮公酌酒話懷

夙昔抱微尚清談思阿戎適來湖海客復見陳元龍良夜來聞

門創麗清塵客明月上西嶺皎然開心胸豈翳鸞鶴儔落語如
風松坐我白玉床酌彼黃金鍾逸氣出庭戶四壁無寒蛩我家
梁鴻宅門外青芙蓉杵臼今尙在晚食開村春便擬挂帆去同
君訪遺踪桑榆十數樹烟靄八九峯倦即輟下住臥聽清谿鐘

送蔣敬叔孝廉南還

君家住蘭陵我家住蓉湖蓉湖朝發遲百里夜過蘭陵倒玉壺
我初未嘗識君面君來長安始相見邀我置酒歡平生酒酣見
月思鄉縣白雲渡頭多白雲蓼花楓葉秋紛紛月明却照半江
綠隨人直渡江之濱君還應向此中住我欲從君借帆去只今
湖上芙蓉花歸舟好繫洲邊樹

題陳太暉擁書圖

烟雨滿江東春陰濯木中

太暉屬余書春陰濯木之堂

百城南面樂六月北

窗風賀老鏡湖濶宜公鶴渚空寂寥千載下心跡許誰同

送秦振千同年南歸

自有青囊秘言從黃石遊當時扶竹杖落日睇層邱楓葉清江晚蘋花白露秋歸歟無限好明月傍行舟

涼夜有懷

涼夜露草光飛螢度前除風帷如有人忽忽自卷舒竹色歛陰久商聲入檐初永懷當此夕豈不惜離居昔別花未落庭前樹扶疎緘書及秋節吾欲采芙蓉

古意答爽公

芙蓉出秋江，蕩漾露珠圓。
皎月生海底，光輝共澄鮮。
美人擢素手，羅袖輕於烟。
容顏本娟好，意態由天然。
形跡既不存，雕飾亦已捐。
東家效顰子，寧論媼與妍。

擬元人十臺懷古

姑蘇臺

闔廬舊已治，蘇臺豈意猶。
煩越國材，東海役臣行。
七術西江落，月舞千回螳。
螂竄樹鳴蟬，歇藥鹿離山。
卧虎來誰遣，專諸學魚炙。
怒濤還爲伍胥哀。

章華臺

楚靈窺鼎撻諸侯伐鼓撻金臺上頭日落旌旗千騎火風廻蕭
管一江秋乾谿爲誦祁招什良史應書雲夢遊輦路迢迢萬枝
柳湘烟郢雨怨三休

黃金臺

信有招賢禮士心築臺何必置黃金幾人同在昭王側令我常
懷郭隗深易水寒來悲駿骨薊門春後見喬林可堪樂毅無歸
處惆悵南陽抱膝吟

朝陽臺

十二峯頭暮復朝如何雲雨欲爲妖楚天殘夢醒何處湘水微
波怨未銷直自大王風不競慢教神女夜相招秭歸城上猶祠

廟江月年年照寂寥

歌風臺

赤帝歌風戀故鄉中原雲起四飛揚父兄諸母攀遊子芒碭羣
峯下夕陽滅項韓彭塵漠漠安劉平勃事茫茫酒酣擊筑兒童
和萬歲千秋泣數行

戲馬臺

逐鹿中原萬馬騰騰行誰上最高層壘壘始自驚韓信舞劍安
能用范增水咽烏江雕不逝壇開赤幟將先登如何九日雲龍
會又見金刀異代興

望思臺

豈有桐人太子宮諫言猶託白頭翁
厠麾不作千秋夢石德多慚三老風
堯母任身門乍啟周公負展畫偏工
臺高千仞思何益禁苑誰教博望通

銅爵臺

橫槊當年對酒歌荒涼銅雀類銅駝
固知老驥心無已欲問靈龜壽幾何
賣履分香憐婢妾燃其煮豆粒根科
繚惟遙望西陵路漢故將軍墓道多

鳳凰臺

龍盤虎踞鳳凰遊回首荒臺草木秋
六代繁華空北顧長江天塹自東流
依稀城郭聞歸鶴浩蕩烟波看浴鵬
李白題詩竟仙

去三山二水使人愁

凌歊臺

春燕巢林竟未知三千歌舞夜歸遲
藏冰中夏開凌室校獵長江合水師
田舍豈聞今日事元嘉不待再傳衰
更無鄧惲求神筆草綠黃山認舊基

俞十一畫竹素園老柳二株見寄感賦

圖爲先洞陽公故居在勤點堂宅

後今廢惟二柳一池尙存

樹猶如此我何堪葉葉餘芬露尙含
異代子孫看素業十年風雨憶江潭
清溪莊遠山蒼翠河酌泉分水蔚藍
一角傳來郭忠恕秋堂夜思落烟嵐

感興

擬將身世託長機
桐帽棕鞋白袷衫
雨過西山聊挂笏
月生東海好揚帆
百年自覺腰難折
五夜深知口欲緘
誰替左司閒埽地
樹根枯坐讀楞嚴

柬帖齋

近來咫尺似千里
欲往從之心鬱陶
星月滿天霜滿地
閒籠閑放鶴翎高

由松柏巷步至興誠寺訪菊

卜居南城南久與緇叟鄰
今日風日好出門淨行塵
言采籬下菊看刈蘆
中薪禪關歛虛照
石路披荒榛
空林易成響
深竹時

有人寂以會衆妙淡然得吾真寒邑况復久微波亦鱗鱗長謠
出叢薄策杖凌秋旻

哭王編修

中孚

季秋月三日驚聞生已死叩之生鄉人含凄但唯唯憶昔生別
時奔喪返鄉里是時瘦骨立勸生節哀毀半載無信音傳言豈
其是善惡信不應修短胡可恃出身起貧賤卓犖見風旨謂言
儲國器精誠貫表裏寧知命力殊斯就止如此懽愛於此終憂
傷自茲始平生忝知音不相天下士

和太暉秋夜懷癸公作

揚帆客竟去高秋鴻雁時離離海中月挂我庭樹枝徘徊南軒

下流影入簷楣露涼氣微白風遠林聲遲坐覺衣袂薄自起下
羅帷如何平生懽各抱千里思蟋蟀寒尚鳴苔蘚雨猶滋秋盡
冬復及空吟小謝詩

九日

家嚴
生辰

九日登臨遊子慣十年風雨帝城西閒閒槐徑鄰蕭寺湛湛
楓江憶舊溪白水乍寒鴻雁影丹山常暖鳳凰棲
君王賜露裏黃花濕紫泥

答岵齋心餘容圃見和前韻三首

江上青山無遠近風前黃葉自東西園從蔣翺分三徑

家嚴
居錦尉

國之半故蔣
氏別業也

家共梁鴻合一溪豈爲尊鱸紫我夢可堪猿鶴傍

人樓年年目送南飛雁留取沙痕記雪泥

涼宵雨歇天如洗菊影橫窗月向西何處蒹葭迴遠棹故人簑
笠釣寒溪江湖滿地魚龍臥風露無聲鸛鶴棲京洛素衣猶未
化不堪獨漉水中泥

百年雙屐遊何處昨日重陽過水西底事不歸虛定省劇憐欲
往阻山溪卽看落木蕭蕭下猶有慈烏夜夜棲二頃薄田三畝
宅願隨老圃理塗泥

附
和作

鉛山
蔣士銓 心餘

節物全拋高枕外夢魂初轉大江西秋聲出樹猶分院山翠
過城似隔溪默抱琴書同菊卧起看鴉鵲奪林棲不知何處

堪登陟狼籍銅街滑滑泥

人爲野鶴難羈侶巷比流沙不盡西
茶癮居宜鄰顧渚詩碑
門恰對曹溪茱萸有弟來同插鷓鴣
無巢久借棲退筆尙堪
摹屋漏秋蛇飛舞壞牆泥

酒客偏招風雨夜詩人多住月華西
莊生自許同牛馬老子
何妨守谷溪破屋相鄰三友得亂書
圍我百靈棲飛鴻爪印
誰能覓一笑閒觀象沒泥

集錢七庶子同年薌石齋對菊

木落空宇中開軒坐高秋依然古襟帶
緬懷晉風流采采霜葉
晚塗露華光浮植此非一朝對此堪忘
憂不隨煥芳歇得與君

予遊我欲餐落英澹澹不可收清言雜諧諠中座更唱酬坐憶
半畝宅白雲山之幽未謝車馬喧空憶鸞鶴儔願從羲皇上食
貧非所謀

贈菊

爾亦清癯者秋來只獨醒香分小團月身是少微星爲我更開
醞於人能益齡東籬正無恙閒坐石苔青

紀心齋滌硯圖

一片握中石烟雲萬壑餘良田聊復爾正筆定何如
兒淨風花細窗寒木葉疎朝回勤被濯閑揭右軍書

銅雀瓦硯歌

漳水東流建安骨銅雀臺荒瓦如鐵鐵而尚書非石吾鄴中舊
事猶能說老瞞自謂漢將軍築臺百尺凌青雲千乘萬騎走臺
下幕中草檄何紛紛賓僚遊譙竟摘藻一家才子工爲文此時
此瓦附簷翼硯材瓦質孰與分鼎中偃仰不自見漢家天子趨
上殿不耐歌聲繞屋梁肯作詔書稱受禪惜乎不令鍾繇知磨
洗好作羲之師寒雲一片慘金碧淪沒千載來何遲回首春風
銅雀下當年已有同槽馬譙東精舍不讀書焚棄硯田燒作瓦

送楊丈

守禮

之官蜀中

先生非吏隱早歲工爲文官就峨眉月人稱揚子雲西南天下
險江漢地中分別後經行處清猿入夜聞

錢孺石招同范芑原紀原稗邵蔚田吉渭厓秦西巖蔣心
餘集寓齋卽送心餘南歸分賦金陵故事得邀筵步

居金

陵

孤高桓子野三弄據胡床雲月空殘夜江山自太康涼颺吳苑
柳秋草蔣湖霜清吹發餘響揚帆我欲狂

曹容圃失女

陰陽之於人奚翅於父母自其未生時形氣本無有介然芒忽
間具耳目鼻口呱呱而成聲僕邀學趨走嬌女雖非男有如寶
瓊玖五歲口授書指畫辨蝌蚪七歲執女紅學母亦八九生男
習詩習生女習簪帶天下父母心恩勤孰云後既生亦已長傷

哉胡速朽盡室相向哭呼嗟爲君剖人生非金石誰能百年久
有生俄而死以無有爲首曹娥誠哀哀木蘭非赴赴問彼何能
然純氣之所守二氣有厚薄至理無夭壽

老農

老農滌場村女春黃雞正肥秫酒紅入冬已雪忽復雪占歲大
豐兼屢豐牆下乞兒夜向火爨餘殘葉寒迎風租稅早輸一無
事莫令犬吠驚兒童

臘月八日雪集泰西巖募道齋限八字

土鼓打頭九豆粥獻臘八撒鹽積皚皚輾玉鳴軋軋敲門來長
鬚折簡致短札古者有飲蜡吾儕且投轄大儺伐鼗鼓清祀奏

控褐皂衣驅擲掄赤幘立輶磻宣尼踐阼階禮器無缺斿豈惟
從獵較且以遏橫猾頻年苦歲歉方冬警宵警羸蹄喘吳牛凍
翅墮霜鵲饑寒切肌膚性命填草莽今秋漸委積殘臘絕剽刮
有司納租稅告郊席菹積此雪自云瑞欲善焉用殺當筵錯觥
籌入饌雜螯蟄列鼎調鹽梅越俎斷蘇葑百觴入肝膈萬象窮
窟窺鯨鯢恣騰躍江海浩沕窺戶堆屋簷下階試策鋌凌人
益驕矜水官逞傑黠同雲激龍怒習坎眩馬暗驚羣雁叫哀失
伍駝鳴圓一視平高卑千形遠昭察授簡裁謝思助苗非宋擾
緩糲蓄春滋蔬甲先夜茁君懷吐白鳳我意凌蒼鵠新詩老無
敵長城堅不拔摩天揚崑刀阜地樹雕鍛隋珠紛牽綴珊瑚交

聖憂題襟喜聯翩刻佩費搜刮踏踏鋪瓊瑤屑屑傾塊坳雲書
觀太史烏篆想蒼頡田家事迎貓酒客羞祭獺良會約後期晨
鐘動古剎

首春集心齋獨柳堂分韻得參字

畫檐新柳欲氍毹正憶梅花溪水南明月幾回招白鶴東風先
與破黃柑坐中詞客歌三疊謂心餘簾外春風酒半酣紙帳蕭閒
容我睡五更騎馬趁朝參

齋居

寂寂青春晚時還讀舊書廣庭留月久老樹得花疎未掃陳蕃
室空隨郭泰車修名亦何有苔草綠階除

孰是無營者而能絕世耶微風醒蝶夢朝日上蜂衙竹瘦晚將
實松寒春自花疎鐘動鄰寺簾影簾紋斜

庭槐映書綠盡酒醉顏紅何事百年內多歸萬慮中風聲趨涿
鹿雲氣入崆峒一片薊門月將心到海東

題章五編修

謙恒

翠螺讀書圖

抱膝翠螺中橫琴采石東名山如我待高詠幾人同萬壑鳥飛
絕千松月照空乘潮追往蹟掛席信秋風

邵蔚田招同錢穉石紀心齋載施齋集朱藤花下

日長池館幽蒙籠春風側影金樽中金樽淺酌葡萄綠美人一
笑玫瑰紅紅香冥冥月盈把綠陰沉沉蓋鴛瓦今日相看春色

關再來空遶青苔下却憶年年醉落花風光如此不還家何時
浩蕩隨烟海直跨長虹弄紫霞

漁父詞

三十六灣溪水春灣灣花柳好垂綸鯉魚尺半換美酒不賣朱
門彈鋏人

聞道江中五月裘客星不見見江流千巖萬壑無尋處楓葉蘆
花一釣舟

秦人隔水送漁郎底事漁郎苦憶鄉行過桃源是何處短簑橫
臥半船霜

晨入覺生寺

三

重校定本

寺門初日上綵絺早涼生露柳知蟬意風花見鳥情大千僧出
定小立鶴將迎旛動石壇靜微聞松柏聲

響泉集詩五

無錫文苑閣排印